

# ЖАСТАРДЫ ЖАУАПКЕРШІЛІККЕ ТӘРБИЕЛЕУ КЕРЕК



Таяуда Ақпараттық білім беру орталығындағы бас ғимараттың оқу залында Елбасы Н.Ә. Назарбаевтың Қазақстан халқына жолдаған «Қазақстан жаңа жаһандық нақты ахуалда: өсім, реформалар, даму» атты Жолдауын талқылау жиыны өтті.

Жиынға АБО директоры Д.Баймұханбетова, ТІ және ЖСД директоры Е.Байқонысов, ТІ және ЖСД бас маманы Г.Орынбекова, «Экономика және қаржы» факультетінің аға тәлімгері Ф.Пазылов, СМ факультетінің т.ғ.к. М.Қамбаров, «Техникалық мамандықтарға арналған орыс тілі» кафедрасының оқытушысы М.Қожахметова, студенттік ректор Т.Есжан, Б.Жұмабаева, АБО кітапханашылары А.Ықыласова, В.Ысқақова, С.Сағкинбекова, Т.Будетова және тағы басқа университеттің оқытушылары мен студенттері қатысты.

Елбасы Н.Ә.Назарбаевтың халыққа арналған бұл жолғы Жолдауы бүгінгі әлемдік ахуалдың

күрделі кезеңіндегі еліміздің даму жолын айқындауымен ерекшеленді. Кездесу барысында Жолдауда айтылған әлеуметтік-экономикалық дамудың жаңа кезеңдері талқыланып, көрсетілген мақсат-міндеттердің өзектілігі туралы аталып өтті. Жиынға қатысушылар сөз алып, көзқарасты қалыптастыруға ықпал ету, азаматтық белсенді ұстанымы бар, жауапкершілігі мол жастарды тәрбиелеу керектігін, Елбасы қойған міндеттерді қолдап, оны орындау әр азаматтың патриоттық парызы, жауапкершілігі екенін атап өтті. Елбасының Жолдауын жастар арасында кеңінен насихаттау, түсіндіру және қолдау мақсатында Ақпараттық білім беру орталығының барлық оқу залдарында талқылау жиындары өткізілді.

**Халида ШАМБУЛОВА,**  
М.Әуезов атындағы ОҚМУ-і  
Ақпараттық бөлім орталығының сектор меңгерушісі.